

脾胃部

泄瀉滯下通論 泄瀉 產後泄瀉 飢泄 滯下

產後泄瀉 久泄久利 胎前利 產後痢 大便不通

產後大便閉 大小便不通 產後大小便閉

八考
卷之

醫學子綱目

卷之三



醫學綱目卷之二十三

脾胃部



泄瀉滯下

滯下屬熱

潔論曰：臍腑瀉利，其證亦多。大抵從風濕熱論之，是知寒少熱多，寒則不能及也。故曰：暴泄非陰，久泄非陽。論曰：春宜緩形，形緩動則肝木乃榮，反靜密則是行秋令，金能制木，風氣內藏。夏至則火盛而金怯，獨火木旺而脾土損矣。輕則飧泄，身熱脈洪，穀不能化，重則下利膿血稠粘，裏急後重。故曰：諸泄稠粘皆屬於火。經云：澁而便膿血，知氣行而血止也。宜大黃湯下之，是為重劑。黃芩芍藥湯是為輕劑，是實則瀉其子，木能自虛而脾土實矣。故經曰：春傷於風，夏為飧泄。此逆四時之氣，人所首為也。此所謂熱泄也。有自太陰經脾受濕而為水泄，虛滑微滿，身重不知穀味。假令春宜益黃散補之，夏宜泄之法，曰宜補宜泄宜和宜。

泄瀉屬濕

止和則芍藥湯止則訶子湯又則防變為膿血是脾經傳受於腎謂之賊邪故難愈也若先利而後瀉謂之微邪故易安此皆脾土受濕天之所為也雖聖智不能逃口食味鼻食氣從暈而入壅積於脾而為水泄也此下節濕泄所謂泄瀉也有厥陰經動下痢不止其脉沉而遲手足厥逆涕唾膿血此症難治宜麻黃湯小續命湯汗之法云為有表邪縮於內當散之而自愈此下節風泄所謂久泄也有暴下無聲身冷自汗小便清利大便不禁氣難布息脉微嘔吐急以重藥温之漿水散是也此下節寒泄所謂暴泄也故法曰後重者宜下腹痛者宜和身重者宜除濕脉弦者去風膿血稠粘者以重藥竭之身冷自汗者以毒藥温之風邪內縮者宜汗之則愈蒼溏為痢宜温之而已又曰在表者發之在裏者下之在上者瀉之在下者竭之身表熱者肉疎之小便澀者分利之

久瀉屬風
暴泄屬寒

隨症施治

又曰盛者和之去者送之過者止之兵法曰避其來銳擊其惰歸此之謂也 凡病泄而惡寒太陰傳少陰為土來剋水也用除濕白朮茯苓安脾芍藥桂枝黃連破血火邪不能勝水太陰經不能傳少陰而反助火邪上乘肺經而痢必白膿也如當歸芍藥之類是也 又裏急後重脉大而洪實為裏實症而痛甚是有物結墜也宜下之若脉浮大甚不可下 雖裏急後重脉沉細而弱者謂寒邪在內而氣散也可温養而自安 裏急後重閉者大腸氣不宜通也宜加檳榔木香宣通其氣若四肢慵倦小便少或不利大便走沉困飲食減少宜調胃去濕白朮芍藥茯苓三味水煎服白朮除脾胃之濕芍藥除胃之濕熱四肢困倦茯苓能通水道去濕 如發熱惡寒腹不痛加黃芩為主如未見膿而惡寒乃太陰欲傳少陰也加黃連為主桂枝

脉實宜下浮忌
脉細宜溫閉者宜調

三部血

佐之如腹痛甚加當歸倍芍藥如見血加黃連為主桂枝當歸佐之如煩躁或先便白膿後血或發熱或惡寒非黃連不能止上部血也如惡寒脈沉先血後便非地榆不除下部血也如惡寒脈沉或腰痛或臍下痛非黃芩亦除此中部血也如便膿血相雜而脈浮大慎勿以黃芩之下去之必死謂氣下竭也而陽無所取凡陰陽不和惟以分陰陽之法治之 又曰暴泄非陰又泄非陽有熱者脈疾身動聲亮暴注下迫此陽也寒者脈沉而細身困鼻息微者薑附湯主之身重不舉水附湯主之 渴引飲者是熱在膈上水多入則自胃膈入胃中胃本無熱因不勝其水胃受水攻故木穀一時下此症當灸大椎三五壯立已乃督脈瀉也如用藥使車前子雷丸白木茯苓之類五苓散亦可 又有寒泄者太腹滿而泄又有驚瀉者是寒泄也

寒熱

虛實

蒼者鴨也大便如水其中有少結糞者是也如此者當用天麻附子乾姜之類 又法曰泄有虛實寒熱虛則無力不及括衣未便已泄出謂不能禁固也實則數至圍而不便俗云虛坐努責是也裏急後重皆依前法進退大承氣分大經湯主之 太陽病為挾熱痢涼膈散主之 表症候下因而利熱 陽明為痼瘕進退大承氣湯主之 太陰濕勝濡瀉不可下而可溫四逆湯主之 少陰蟄風不動禁固可瀉赤石脂丸乾姜湯主之 厥陰風泄以風治宜承續命湯消風湯主之 少陽風氣自動大柴胡湯主之

分新

五泄傷寒乃分三部

初說暴 次說中 後說久泄 此說是難經五十七難是三節內該十五法初治以暴藥中以為對症藥得中治也未治久泄仲景論厥陰經治法

是也

胃氣和平飲食入胃精氣則輸于脾上歸于肺行於百
脉而養榮衛也若飲食一傷起居不時損其胃氣則上升
精華之氣反下降是為飧泄久則太陰傳少陰而為腸澼
假令傷寒冷飲食膜滿而脹傳為飧泄者宜溫熱之劑以
消導之傷濕熱之物而成膿血者宜苦寒之劑以內疎之
風邪下陷者升舉之濕氣內盛者分利之裏急者下之後
重者調之腹痛者和之洞泄腸鳴無力不及粘衣其脉細
微而弱者溫之收之膿血稠粘數至圍而不能便其脉洪
大而有力者下之寒之大抵治病當求其所因察何氣之
勝取相剋之藥空之隨其所利而利之以平為期此治之
大法也 論瀉痢久不止或暴下者皆太陰受病不可離
甘草芍藥若不受濕則不痢故須用白朮是以聖人立法

五泄

診

若四時下痢於芍藥白朮內春加防風夏加黃芩秋加厚
村冬加桂附然更詳外證寒熱處之如裏急後重須加大
黃如身困倦須用白朮若自汗逆冷氣息微加桂附以溫
之如或後重膿血稠粘雖在盛冬於溫藥內亦加大黃
難有胃泄有脾泄有大腸泄有小腸泄有大瘕泄名曰後
重胃泄者飲食不化色黃承氣湯也保命云又有脾泄
者腹脹滿泄注食即嘔吐逆保命云建中大腸泄者食
已窘迫大便色白腸鳴切痛保命云乾姜小腸泄者洩
而便膿血少腹痛保命云承大瘕泄者裏急後重數至
圍而不能便莖中痛保命云胃小腸大腸三症皆清涼飲
甘草芍藥陰症裏急後重加大黃
此治五泄之法也
丹泄瀉之症水穀或化或不化並無努責惟覺困倦若滯

下則不然或膿或血或膿血相雜或腸垢或無糟粕或糟粕相雜雖有痛不痛之異然皆裏急後重逼迫惱人

仲大腸有寒者多驚漉有熱者便腸垢

靈腸中寒則腸鳴飧泄腸中熱則出黃糜師傳

仲下利脈微弱數者為欲自止雖發熱不死下利有微熱而渴脈弱者亦自愈下利脈數而渴者今自愈設不

瘥必清膿血以有熱故也下利脈數有微熱汗出今自愈設脈脹為未解下利脈反弦發熱身汗者自愈下

利脈沉而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也

素胃脈虛則泄

脈滑按之虛絕者其人必下痢肺脈小甚為泄全文

虛實法經云小腎脈小為洞泄小者血氣皆少腎者

指氣血皆虛腎脈小為洞泄閉藏今血氣虛少無

以閉藏

故泄尺寒脈細謂之後泄平人氣

氣全文見評尺膚寒其脈小者泄少

仲下利脈沉弦者下重下利寸口反浮數尺中自濇者

必清膿溲病若腹大而泄者脈當細微而濇反緊大而

滑者死

脈泄注脈緩時小結者生浮大數者死

素泄而脈大者難治玉機真病泄脈洪大是逆也全文

死生

仲下利脈大者為不止下利日十餘行脈反實者死

靈大便赤瓣飧泄脈小者手足寒難已飧泄脈小手足温

泄易已尺論疾診腹鳴而滿四肢清泄其脈大是逆也如

是者不過十五日死矣全文見腹大脹四末清脫形泄

五

甚是逆也如是者不及一時死矣

仲六府氣絕於外者手足寒上氣脚縮五臟氣絕於內者

利不禁下甚者手足不仁下利手足厥冷無脈者灸之

不温若脉不還反微喘者死少陰負跌陽者為順也下

利後脉絕手足厥冷時時脉還手足温者生脉不還者死

病者痿黃燥而不渴胃中寒而利不止者死假令下

利寸口關上尺中悉不見脉然尺中時一小見脉再舉頭

者腎氣也若見損脉來為難治

丹下痢如魚腦者半死半生下痢如麝腐色者死

純血者死下如屋漏者死下痢如竹筒注者不可治

五虛者不治

五虛者經云脉細反寒氣少泄痢前後飲食不入此謂

五虛五虛者死甘漿粥入胃泄注止則虛者活予嘗治

數人在下則泄瀉不止在上則吐痰不已者皆死蓋氣
脫無所管攝故也若用參朮膏救之早者十活二三

泄瀉 產後泄瀉

下痢水穀不入裏急後重是泄瀉也

世胃苓湯一名對金飲子治脾濕太過泄瀉不止

平胃散 五苓散各等 右剉水煎服極效

羅內經曰濕勝則濡泄甲乙經云寒氣客於下焦傳為濡

泄夫脾者五臟之至陰其性惡寒濕今寒濕之氣內客於

脾故不能裨助胃氣腐熟水穀致清濁不分水入腸間虛

莫能制故洞泄如水隨氣而下謂之濡泄法當除濕利小

便也治之以對金飲子

平胃散 五苓散 草苴 葛 藜 藜 藜 藜

右相和作四服水一盞半生姜三片棗二枚煎至一盞

去查温服食前

垣加減平胃散治脾胃不和不思飲食心腹脇肋脹滿刺痛口苦無味胃滿短氣嘔噦惡心噫氣吞酸面色痿黃肌體瘦弱怠惰嗜臥體墮節痛常多自痢或發霍亂及五噎八噫隔氣反胃等症

厚朴去皮姜制炒

蒼朮去粗皮米泔浸五兩

陳皮三兩

甘草二兩

右為細末每服二錢水一盞生姜三片棗土枚同煎至七分去查温服或去姜棗帶熱服空心食前入鹽一捻沸湯點服亦得常服調氣暖胃化宿食消痰飲辟風寒冷濕四時非常之氣如小便赤澀加白茯苓澤瀉如米穀不化飲食傷多加枳實如胃中氣不快心下痞氣加枳殼木香如脾胃困弱不思飲食加入參黃

芪如心下痞悶腹脹者加厚朴甘草減半如遇夏加炒黃芩如遇雨水濕潤時加茯苓澤瀉如有痰涎加半夏陳皮凡加時除蒼朮厚朴依例加之如一服五錢有痰用半夏一兩如嗽飲食減少脉弦細加歸身黃芪如脉洪大緩加黃芩黃連如大便硬加大黃三錢芒硝二錢先嚼麩炒桃仁爛以藥送下

海加減平胃散例若泄瀉脾濕加茯苓丁香白朮為調胃散下法加藿香半夏若加乾姜為厚朴湯若温疫時氣一毒傷寒頭痛壯熱加連翹葱白五十豆豉三十粒煎二三服取微汗出愈苦五勞七傷脚手心熱煩躁不安百節痠疼加柴胡若痰嗽瘧痢加姜製半夏若水氣腫滿加桑白皮若水小腸氣痛加茴香若水氣腫滿加桑白皮若婦人赤白帶下加黃芪若酒傷加丁香若飲冷傷

加高良姜 若滑脫泄瀉加肉苁蓉 若風痰四肢沉困加荆芥 若腿膝冷痛加牛膝 若渾身虛腫拘急加地骨皮 若腿膝濕痺加兔絲子 若白痢加吳茱萸 若赤痢加黃連 若頭風加藁本 若轉筋霍亂加樟木皮 若七邪六極耳鳴夢泄盜汗四肢沉重腿膝痠婦人宮臟久冷月事不調者加桂枝 若胃寒嘔吐多加生薑一法加茯苓丁香各三兩 若氣不舒快中脘痞塞加砂仁香附三兩生薑煎服 若與五苓散相半為對金飲子 若與六一散相合為黃白散 若與錢氏異功散相合為調胃散 若飲食進退加神麩麥芽冬月加吳茱萸川椒乾姜桂為吳茱萸湯 若加藁本桔梗為和解散治傷寒吐利 若加藿香半夏為不換金正氣散 若瘧疾寒熱者加柴胡 若小腸氣

痛者加苦練茴香

丹或曰平胃散之溫和可以補養胃氣吾子以為何如曰蒼朮性燥氣烈行濕解表甚為有功厚朴性溫散氣非脹滿實急者不用承氣用之可見矣雖有陳皮甘草之甘緩甘辛亦是決烈耗散之劑實無補土之利經謂土氣太過曰敦阜亦能為病况胃為水穀之海多氣多血故因其病也用之以瀉有餘之氣使之平耳又須察其挾寒氣得寒物者而後投之胃氣和平便須却藥謂之和平者初非補之之謂豈可以為補劑而常用之乎或曰調胃承氣亦治胃病謂之調者似與平胃之平意義相近何用藥之相遠也予曰調胃承氣治熱中下二焦藥也經云熱淫于內治之鹹寒佐以苦其功在乎導利而行之以緩平胃散止治濕上焦藥也經曰濕上甚而熱治以苦溫佐以甘辛以

汗為期而止或曰治濕不利小便非其治也此非仲景法耶何子言之情也予曰淡滲治濕因有濕在中下二焦今濕在上宜以微汗而解不欲汗多故不用麻黃葛根輩耳五苓散治泄瀉水多者傷寒瀉濕四苓散加蒼朮白朮甚者三朮必用炒

白朮三分加澤瀉兩 茯苓 猪苓 蒼朮各五錢

本治水瀉用草烏半生半燒灰存性為末醋丸空心井花水下七丸

濕熱 河益元散治身熱泄瀉小便不利

滑石兩六 甘草兩一 右為末每服三錢蜜湯調下且三服如解寒發汗煎葱白豆豉湯調下四錢併三服以效為度

參黃丸治濕熱滯氣者濕熱甚者用為向導可治吞酸下可治自利

宜六一散七兩即 吳茱萸二兩 一方去茱萸加乾姜一兩各溫六丸

本歐陽文忠公嘗得暴下國醫不能愈人云市人有此藥三文一貼甚效夫人買進之一服而愈後召賣藥者問其方但用車前子一味為末米飲下二錢此藥利水道

黃芩木通入四苓散煎服治火多泄瀉 水煎金花丸治泄不止乾嘔方見乾嘔而利門

世木香和中丸腹痛泄瀉脈滑者神效累驗方九治虛實法

仲下利脈遲而滑者實也利未欲止急下之宜大承氣湯傷寒下利脈反滑者實有所去下乃愈宜大承氣湯下利脈中堅者當下之 下利後三部皆平按之心下堅

風痰 實者下之

大承氣

飲者
逐之

首宜大承氣急下之病者脉伏其人欲自利利反快雖利心下續堅滿此為雷飲欲去故也其遂半夏湯主之

甘草指大一枚 半夏十二枚以水一升煮取半升去渣 芍藥五枚

右四味以水二升煮取半升去渣以蜜半升和藥汁煎取八合頓服之

積者
下之

保赤七姪之子肚泄有積與小胃丹二十粒作三次吞之

小胃丹方見內傷飲食 積熱作泄亦宜下之

保赤治寒積痢男婦小兒各不同或赤白或清痢如水不後重者寒也經曰澄澈清冷皆屬於寒此為虛寒中有積也宜附子巴芩輩下之見利則愈空心服

氣者利
小便

下痢氣者當利其小便

治太陰脾經受濕水瀉注下體重微滿困弱無力不欲

飲食暴泄無數水穀不化先宜白朮芍藥湯

白朮芍藥各一兩 甘草五錢俱用炒黃效速

右細末每兩水二盞煎至一盞溫服

如腹疼甚者宜蒼朮芍藥湯主之

蒼朮芍藥各一兩 黃芩半兩

右剉每兩入淡桂半錢水盞半煎至一盞溫服

如脉弦頭痛者宜蒼朮防風湯主之

蒼朮防風各二兩 右剉同前法煎服如下

血宜蒼朮地榆湯主之方見滯下 已上症如心下痞每服

加枳實一錢如小便不利每服加茯苓二錢如腹痛漸

已泄下漸少宜訶子散止之方見後

氣虛泄瀉人參白朮炒芍藥升麻主之

異功散治脾胃虛冷腸鳴腹瀉自利不思飲食方見吐瀉

補脾行

人參白米茯苓甘草陳皮各等分爲末每五錢姜棗煎服

四 女人肚泄左手脉弱此自來欠血面帶黃多年當作虛濕治之

滑石六錢

白米兩

陳皮

當歸各三錢

厚朴

木通

芍藥各一錢

甘草各五分

分六貼姜一片煎

四 八官患泄小便赤少食少倦怠脉弱此受濕爲病當補脾涼肺

白朮

滑石各一兩

黃芩

人參

芍藥各五錢

木通

陳皮各三錢

乾姜一錢

甘草一錢

分六貼煎服

五 兒腹泄此受寒涼爲病

白朮

蒼朮各二錢

乾姜

茯苓

厚朴各一錢

甘草各三錢

右爲末每服二錢白湯調下

一 丈夫腹瀉曾痞不渴

半夏錢

蒼朮

白朮

青皮各一錢

木通

紫蘇各一錢

良姜半錢

甘草許

分三貼姜三片水二盞煎服

輝五孺人瘰癧已好止是食少乏力肛泄自汗

牡蠣半錢

白朮錢

乾姜錢

陳皮五分

黃芪分

當歸分

白水煎服

積 賈宅女人六十八歲腹泄面黃乏力脉浮大而數此有熱

滑石

白朮各一兩

茯苓

神麩炒

陳皮各五錢

黃連

黃芩

乾姜一錢

右為未粥為丸山查湯食前下五十粒
一丈夫病熱退未盡食太早口渴倦甚腹泄心煩脚冷

人參 滑石 柴胡 白朮

賈季 陳皮 各一 木通 錢 甘草 五

分四貼煎七分下保和十五丸

右九方丹溪東垣治泄瀉之法大率皆用白朮滑石補脾行濕其餘隨症加減第一二方專治泄也第三方治泄之挾熱也第四五六方治泄之挾寒也第七八方治泄之挾飲食積也

脈弦者 升陽除濕
因予病脾胃久衰視聽半失此陰盛乘陽加之氣短精神不在此由弦脈令虛多言之過也昔陽氣衰弱不得舒伸伏匿於陰中耳癸卯歲六七月間淫雨陰寒踰月不止時人多病泄瀉濕多成五泄故也一日予體重肢節疼痛太

便泄者五者三而小便閉塞思其治法按內經標本論本小不利無瀉標本先利小便又云在下者引而竭之亦是先利小便也又云諸泄利小便不利先分別之又云治濕不利亦便非其治也昔言當利小便必用淡味淡泄之劑以利之是其法也噫聖人之法雖布在方冊其不盡者可意求耳今客邪寒濕之淫從外而入裏以暴加之若從已上法度用淡滲之劑以除之病雖即已足降之又降是復益其陰而重竭其陽則陽氣愈削而精神愈短矣是陰重強陽重衰反助其邪之謂也故必用升陽風藥即瘥以羌活獨活柴胡升麻各一錢防風根半錢炙甘草半錢同咬咀水二鍾煎至一盞去渣稍熱服太去云濕寒之勝助風以平之又曰下者舉之得陽氣升騰而去矣又法云客者除之是因曲而為之直也夫聖人之法可以類推舉

而知百者也若不達升降浮沉之理而一藥施治其愈者幸也

升陽除濕湯治脾胃虛弱不思飲食洩瀉無度小便黃四肢困弱自下而上引而去之

升麻 柴胡 羌活 防風 蒼朮 甘草 神麴 澤瀉 猪苓 陳皮 麥蘖

右咬咀水二盞煎去查空心服如胃寒腸鳴如益智半夏各五分姜枣同煎非腸鳴不用

人參 黃芪 甘草 升麻 柴胡 陳皮 歸身 益智 紅花

人參 分六

右剉作二服水二盞煎至三盞去查稍執食前服

實積 丹止瀉姜麴丸

神麴 茴香 生姜 右為丸每服五七十九

痰積 痰積泄瀉

海石 青黛 黃芩 神麴

右為丸每服三五十九病少者必用吐法吐之方愈右積滯洩瀉腹必耕痛方泄者是也或肚腹滿按之堅者亦是也受病泄者宜神麴之類消導之病深而頑者必用滯下門後重多熱條進退承氣之類下之方安

厥滑熱 丹固腸丸

檉皮 滑石

右為末粥丸丹溪云固腸丸性燥若

保訶子散治洩久腹痛漸已瀉下漸少宜此藥止之

訶子生半兩木香兩甘草二錢黃連三錢

右為細末每服二錢以白朮芍藥湯調下如止之不已

宜因其歸而送之於訶子散內加厚朴一兩竭其邪氣

也

虛滑久而不止者多傳變為痢太陰傳少陰是為鬼邪先

以厚朴枳實湯防其傳變

厚朴兩枳實各一兩訶子一兩半木香兩

黃連二錢耳草二錢大黃三錢

右為細末每服三錢或五錢水一盞半煎至一盞去渣

溫服熱滑瀉

補脾丸

白朮兩白芍藥二錢

右為細末飯丸冬月去芍藥加肉苁蓉澤瀉服之又不

止者於內加飛礬一錢半

氣痢訶黎勒散主之用訶黎勒右一味為散粥飲和

頓服林億云疑非仲景方也

垣扶脾丸治脾胃虛寒腹中痛溏洩無度飲食不化

白朮兩茯苓兩甘草二錢訶子皮兩

烏梅肉各二錢紅荳兩乾姜兩肉桂各半兩

麥蘖兩神麴炒各四錢陳皮一錢半夏二錢

右為末芍藥裏燒飯為丸如桐子大每服五十九丸溫水

食前下一方加薑香一錢

治痢久臟腑虛滑去積不已用蒼水湯下桃花丸

蒼朮兩防風兩

右劉水一碗前至一大盞下桃花丸或赤石脂丸小便

利則安桃花丸即帶下門桃花湯為丸赤石脂乾姜二味是也

有一人病大腸寒清小便精出諸藥服及一斗二升

未效後教服赤石脂乾姜各一兩胡椒半錢同為末醋

為丸如桐子大空心及食前米飲下五七十九終四劑遂

愈

本治脾胃不和泄瀉不止諸藥不效訶子丸

訶子皮 川姜 肉苳蔻 龍骨

水香 赤石脂 附子各等分

右細末糊丸如桐子大每服四十九丸米飲下

赤石脂禹餘糧湯方治大腸泄瀉

赤石脂制 禹餘糧各四錢制

右劉碎每服五錢水一盞半煎至八分去渣溫服

孫治氣虛傷冷暴作水瀉日夜二三十行腹痛不止夏自

路行備急朝真丹用硫黃一兩半研令極細枯白礬五錢

同細研勻水浸蒸餅去水和丸如桐子大硃砂為衣每服

十五丸溫米飲鹽湯下已上止寒泄

暴泄寒治暴水洩不正

肉苳蔻三箇用濕麵裹之置火內煨令麩焦去麩丹

華子稱其下氣以脾胃得補而善運化氣自下也非若香附陳皮之駛泄也

右將肉苳蔻為細末只作一服陳米飲調食前服之神

驗

暴泄如水周身汗出全身盡冷脈沉而弱氣少而不能

語甚者加吐此謂緊病宜以漿水散治之

半夏二兩 良姜二錢 乾姜 肉桂

甘草 附子各五錢

右細末每服三五錢水二盞煎至一盞熱服甚者三四服若太陽經傷動傳太陰下痢為驚瀉大腸不能禁固卒然而下中有硬物欲起而又下欲了而不了小便多清此寒也宜溫之春夏桂枝湯秋冬白朮湯謀甫云驚瀉者大便如水其中有少結糞是也

桂枝湯 桂枝 芍藥 白朮 甘草 一盞煎至一盞熱服

白朮散 白朮 芍藥 乾姜 甘草 一盞煎至一盞熱服

右為細末如前服之甚則除去乾姜加附子三錢謂辛能發散也

羅 迴木丸治時暑暴泄傷脾胃及治飲食所傷胸膈痞悶

神麴 蒼朮 滑石 右為末搗飯丸惟滑石

止洩丸 肉苁蓉 滑石 右為末搗飯丸惟滑石

夏三兩半秋二兩春冬一兩一錢半

羅 中寒治驗 參政商公時年六旬有二原有胃虛症至元巳巳夏上郡住時值六月霖雨大作連日不止因公務

勞役過度飲食失節每日臍腹作痛腸鳴自利須法一二行心定不喜飲食懶於言語身體困倦乃予視之予診其

脉沉緩而弦參政以年高氣弱脾胃宿有虛寒之症加之霖雨及勞役飲食失節重虛中氣難經云飲食勞倦則傷

脾胃不足而往有餘隨之歲火不及寒乃大行民病登瀆今脾胃正氣不足腎水必挾木勢反來侮土乃薄所不勝乘

所勝也此疾非甘辛大熱之劑則不能瀉水補土雖夏暑之時有用熱遠熱之戒又云有假者反之是從權而治其

急也內經云寒淫于內治以辛熱乾姜附子辛甘大熱以瀉寒水以為君脾不足者以甘補之人參白朮甘草陳皮苦甘溫以補脾土胃寒則不欲食以生姜草荳蔻辛溫治客寒犯胃厚朴辛溫厚腸胃白茯苓甘草助姜附以導寒濕芍藥酸微寒補金寫木以防熱傷肺氣為佐不數服即愈

附子溫中湯治中寒腹痛自利米穀不化脾胃虛弱不喜飲食懶言困倦嗜臥

附子炮去 乾姜炮各 人參 甘草各
白芍藥 白茯苓去 白朮各五 厚朴姜
草荳蔻炮 陳皮各三
右剉每服五錢或一兩水二盞半姜五片煎一盞食前溫服

簡理中湯治泄瀉加糯米紅茯苓各一兩名補中湯若瀉泄不已者於補中湯內加附子一兩不喜飲食米穀不化者再加砂仁一兩共成八味理中湯方

本治脾胃中風濕臟腑泄滑 芍藥丸 神麴 白朮 附子各等

右為細末麴糊丸如桐子大每服三五丸米飲下左氏述楚子圍蕭上 將潰無社告申叔展曰有麴平有山鞠藭乎鞠藭上 藭也意欲冷逃水中以避禍是知藭勞能除濕當加米附以制之若脾濕而泄者方無不中亦治飧泄

無桂香丸治臟腑虛為風寒所搏冷滑注下不禁老人虛人危篤累效

附子炮去 肉荳蔻炮 白茯苓各一 桂心

熱

乾姜炮 木香炮各 丁香分
右為末糊丸如桐子大米湯下五十九空心服

孫治水瀉無度乾姜末粥飲調一錢服立效

泄而身熱小便不利口渴者益元五苓若火多四苓加木

通黃芩熱方見濕泄而困倦不便者及脈數者虛熱者宜

參朮滑石苓通方見補脾泄而脈滑及者實熱宜大承

氣湯方見

上下表裏

丹玉龍丸治一切伏暑泄瀉神效方見傷寒

仲下痢不止醫以理中與之利益甚理中者理中焦此利

在下焦赤石脂禹餘糧湯主之復痢不止者當利小便

下痢腹脹滿身體疼痛者先溫其裏乃攻其表溫裏宜四

逆湯攻表宜桂枝湯

大腸小腸為泄全文見 一陽發病少氣善欬善泄全文見

運氣

變

運氣泄瀉有六

一曰土助脾濕盛而泄瀉經云歲土太過雨濕流行病澹

泄腸鳴又曰歲水不及濕乃下行民病身重濡泄又云歲

火不及寒乃大行土復則病驚澹腹痛腸鳴泄注又云土

鬱之發民病飲發注下又云濕勝則濡瀉治以苦溫是也

二曰風木攻脾虛而泄瀉經云厥陰司天風淫所勝民病

冷泄澹泄又云春傷於風邪氣留連乃為洞泄治以辛涼

是也

三曰熱瀉經云少陽所主為暴注又云少陰之勝腹滿澹

泄又云火鬱之發民病注下治以寒劑是也

四曰寒泄經云歲水太過寒氣流行病腸鳴澹泄又云太

陽所至為流泄禁止又云太陽之勝寒入下焦傳為濡泄

治以熱劑是也

五日熱中寒中泄經云大陽司天之政三之氣寒氣行民病寒反熱中注下者是外寒內熱泄也又云長夏善病洞泄寒中者是外熱內寒泄也治以寒熱兼施是也

六曰燥泄經云歲木不及燥乃大行民病腸鳴澹泄又云陽明司天燥淫所勝民病腹中鳴注泄鶩泄又云陽明之勝清矣於中澹泄又云陽明之復腹脹而泄治以溫劑是也

雜法

子和昔聞山東楊先生者治府主洞泄不止楊初未對病人與眾人談日月星辰纏度及風雷雲雨之變自辰至未而病者聽之忘其圍楊嘗曰治洞泄不巳之人先問其所愛之事好棋者與之棋好樂者與笙笛勿輒

針灸

針灸泄瀉獨取大腸一經云大腸病者腸中攻痛而鳴

濯濯冬日中干寒即泄當臍而痛取巨虛上廉

羅治水漬入胃為溢飲滑泄渴能飲水下復泄泄而大渴此無藥症當灸大椎

脈諸下痢皆可灸足大都五壯商丘陰陵泉皆三壯

甲澹泄不化食寒熱不節陰陵泉主之

玉治久泄瀉內天樞穴撮天樞二十半灸摘英五

集自痢不止 天極 中極

世又法 合谷 三里 陰陵泉不應取 中脘 關元

天樞 神闕

東泄痢不禁小腹絞痛 丹田灸百壯 泄痢不嗜食

長谷五十壯三報之在腸脘傍 行石硫黃今人用治下元虛冷元氣將絕久患寒泄胃脾

虛弱垂命欲盡服之無不效中病當硬已不可盡劑世人

宜忌

蓋知用而為福不知用而為禍此物損益兼行若俱棄而不用當蒼卒之間又可闕乎

產後泄瀉

丹治產後泄瀉惡露不行此餘血滲入大腸為瀉洞泄不禁下青白黑色用荆芥大者四五穗於蓋內燒灰不得犯油火入麝香研湯三呷調下此藥雖微能治大病奇散

產後泄方

茯苓

川芎

黃芩

白朮

乾姜

滑石

陳皮

芍藥炒

右水煎服之

飧泄

飧泄米穀不化而完出是也

清氣在下則生飧泄則穀不化故飧泄東垣云清氣在下

脾胃氣下

下者乃人之脾胃氣衰不能升發陽氣故用升麻柴胡助其辛之味以引元氣之升不令下陷為飧泄也
羅內經曰清氣在下則生飧泄又曰久風入胃中則為腸風飧泄夫脾胃土也氣沖和以化為事今清氣下降而不升則風邪久而于胃是木賊土也故沖和之氣不能化而令物完出所以謂之飧泄或飲食太過腸胃所傷亦致米穀不化此俗呼水穀利也法當下者舉之而消剋之也以加減木香散主之

木香

良姜

升麻

檳榔

人參各二

肉苳蔻煨

吳茱萸泡

乾姜泡各

神麴炒二

陳皮分五

砂仁分五

右十味為細末每服四錢水盞半煎至一盞去查食前溫服宜加白朮

河白朮湯治飧泄風冷入中泄利不止脈虛而細日夜數

行口乾腹痛不化

厚朴製

當歸去

龍骨各五

白朮一

艾葉熟炒

右為末每服三錢水一盞生姜三片同煎至八分去渣空心溫服

治飧泄宜奪食

凡泄則米穀不化謂之飧泄是清氣在下乃胃氣不升上古聖人皆以升浮藥扶持胃氣一服而愈知病在中焦脾胃也脉訣曰濕多成五泄濕者胃之別名也病本在胃真氣弱真氣者穀氣也不能消化飲食乃濕盛故也以此論之正以脾胃之弱故也初病奪食或絕不食一二日使胃氣日勝泄不作也今已成天泄矣經云治濕不利小便非其治也又云下焦如瀆又云在下者引而竭之唯此症不宜此論其病得之於胃氣下流清氣不升陽道不行宜

建

升宜舉不宜利小便靈樞云頭有疾取之足謂陽病在陰也足有疾取之上謂陰病在陽也經曰陽病在陰陰病在陽此之謂也中有疾傍取之傍者少陽甲膽是也中者脾胃也脾胃有疾取之足少陽甲膽者甲風是也東方春也胃中穀氣者便是風化也作一體而認故曰胃中濕勝而成泄瀉宜助甲膽風勝以克之又足升陽助清氣上行之法也又一說中焦元氣不足溲便為之變腸為之苦鳴亦緣胃氣不升故令甲氣上行又云風勝濕也太抵此症本胃氣弱不能化食奪食則下而可止夫奪食之理為胃弱不能消化食則為泄如食不下何以作泄更當以藥滋養元氣令和候泄止漸與食胃勝則安矣若食不化者於升陽風藥內加炒麴同煎煎食入頓至心頭者胃之上口也必口沃沫或食入反出皆胃土停寒其右手關脉中弦

按之洪緩是風熱濕相合，穀氣不行，清氣不升，為弦脈之寒所隔，故不下也。麴之熱亦能去之。若審胃者，更加半夏、生姜入於風藥內，同煎食，少食欲使胃氣強盛也。若藥劑大則胃不勝藥，泄亦不止，當漸漸與之，令病既久，已至衰弱，當以常法治之，不可多服餌也。人之肉如地之土，豈可入而無肉，故肉消盡則死矣。消瘦人有必死者，八內經有七外經，有一又病肌肉去盡，勿治之，天命也。如肌肉不至，瘦盡，宜急療之，宜先奪食而益胃氣，便與升陽先助真氣，次用風藥，勝濕以助升騰之氣，病可已矣。餘皆勿論，此治之上法也。治用升陽除濕湯之類是也。

寒熱羅加減木香散方見正條

傷仲下利清穀裏寒外熱汗出而厥者，通脈四逆湯主之。方見傷寒論

河白朮散治飧泄，脈細。方見細上條

垣治洩痢飧泄，身熱脈弦，腹痛而渴，及頭扁微汗，宜防風芍藥湯。

防風芍藥黃芩各等分

右麴末每服半兩，或一兩水二盞煎至一半，溫服。

梅治水穀痢久不瘥，厚朴三兩，黃連三兩，剉細水三升煎取一升，空心服。

素春傷於風，夏生飧泄。生氣通天論 久風為飧泄。全文見診法

久風入中為腸風飧泄。論

右久風入中為飧泄，經云虛邪之中人也，始於皮膚，留而不去，傳舍於絡，脈留而不去，傳舍於經，留而不去，傳舍於輸，留而不去，傳舍於伏衝之脈，留而不去，傳舍於腸胃，在腸胃之時，青響腹脹，多寒則腸鳴飧泄，食不化。

此久風入中為殭泄之義同也

水自內出宜灸宜診

潔古云太渴飲水多因致水穀一時下者宜炙大椎三五

風從外入宜下宜表

吐或用草前子雷丸白朮茯苓及五苓散等藥淡之詳見
大法條又如久風為殭泄者則不飲水而穀完出治法當
以宣風散導之後服蒼朮防風湯

蒼朮去皮四兩

麻黃兩

防風五錢

右蒼朮每一兩生薑七片水一盞煎至一半去渣溫服
如此後服後藥

補本丸

艾香木

小椒去目炒各一兩

右為細末醋糊丸如桐子大每服五十九食前溫水下

一法惡痢久不效者彌佳小兒丸如米大

予和趙明之米穀不消腹作雷鳴自五月六月不愈諸醫
以為胃受大寒故併與聖散子豈菴丸雖止一二日藥力
盡而復作諸醫不知藥之非反責明之不忘口戴人至而
笑曰春傷於風夏必殭泄殭泄者水穀不化而直過下出
又曰米穀不化熱氣在下久風入中中者脾胃也風屬甲
乙脾胃屬戊己甲乙能剋戊己腸中有風故鳴經曰歲木
太過風氣流行脾土受邪民病殭泄診其兩手脈皆浮數
為病在表也可汗之直斷曰風隨汗出以火二盆置床
下不令病人見火恐懼其熱詒之入室更服涌劑以麻黃
投之乃閉其戶從外鎖之汗出如洗待一時許開戶滅火
一半須臾汗止泄亦止內經曰春傷於風夏生殭瀉此
以風為根風非汗不出者有病此者腹中雷鳴泄注米穀

腸痺

不分小便瀉滯皆以脾胃虛寒故耳服薑蔻烏梅粟殼乾姜附子曾無二效中脘臍下久已數千燥熱轉甚津液涸竭瘦削無乃飲食減少命予視之余以應象論曰熱氣在下水穀不分化生飧泄寒氣在上則生腫脹而氣不散何也陰靜而陽動故也診其脈兩手皆浮大而長身表微熱用桂枝麻黃湯以姜棗煎大劑連進三服汗出終日直至而愈次以胃風湯和其臟腑調養陰陽食進而愈曰木香丸治腸痺多飲不泄上氣喘爭時發飧泄腹痛

木香

白朮

官桂

蕪荑

訶子皮

良姜

附子

厚朴

肉苳蓉

乾姜

甘草

薑

右為末楚糊丸如桐子大每服二十丸在姜湯空心下

暈氣運氣殞泄皆屬風水攻脾經云歲木太邁風氣流行脾土

夫

受邪民病殞泄食減又云歲土不及風乃大行民病殞泄體重腹痛又云土不及曰卑監卑監之紀上角與正角同其病殞泄治以涼劑是也

針灸

刺灸殞泄有三法

其一取脾經云脾虛則腹滿腸鳴泄食不化取其經足太陰陽明又云殞泄取三陰之上補陰陵泉皆久重之熱行乃止又云殞泄取三陰者是也三陰者太陰也

其二取腎經云腎藏志志有餘腹脹殞泄瀉然筋血者是也然筋謂然骨視血絡盛則泄之

其三取肝經云肝足厥陰之脈所生病者胃滿嘔逆殞泄是也視盛虛寒熱陷下施法也

渴飲水多水穀一時下者灸太樞三五壯已詳見大甲殞泄太腸痛巨虛上廉主之又太衝主之

錄六

待

夫

雜方

遺尿 大治產後遺尿取故燕巢中草燒灰研細酒調服五分男
子亦治

又方 白礬 牡蠣 煨

右等分為末酒服方寸匕且三男女同治

診

華病人臥遺尿不覺者死

滯下 久泄久痢

胎前痢

產後痢

大法

痢初得時一二日間以利為法有熱先退熱後重者

當利氣木香檳榔腹痛用溫散藥姜桂之屬 下血當涼

血和血當歸桃仁之屬 下痛發熱惡寒身首俱痛此為

表證宜微汗和解用蒼朮川芎陳皮芍藥甘草生薑三片

表裏前下痢身發熱者有久感用小柴胡去參下痢發熱

久不止者屬陰虛用寒涼藥必兼升散藥并熱藥用

痢初發熱必用大承氣下後看症用藥發熱不惡寒脈

洪者宜大承氣若惡寒者忌下下痢腹痛後重小便短

下積此為裏症宜和中陳氣用陳皮芍藥滑石枳殼厚朴

之類

芍藥湯治下血調氣經曰洩而便膿血知氣行而血止

也行血則便自安調氣則後重自除

芍藥 當歸 黃連 枳殼 木香 甘草 大黃 黃芩 桂 二錢

右藥末每服半兩水二盞煎至一盞食後溫服如血前

則漸加大黃如清後臍毒加黃柏半兩同煎

一老人年七十面赤脈弦數獨胃脈沉滑因飲白酒作

利小便

利小便

痢下血淡水膿腹痛小便不利裏急後重以參朮為君其
 草滑石枳榔木香蒼朮為佐下保和丸二十五丸第二日
 前症俱減獨小便不利以益元散服之安
 益元散治身發熱下痢赤白小便不利蓋胃中積聚助
 虛實
 痢初得之必用調胃承氣及大小承氣者用此下之
 下婁男子五十餘下痢晝者積淡紅色夜無積食自進先
 喫小胃丹兩服飛與四十九次六十九去積却與斷下
 羅玄青丸治下痢勢惡頻併窟痛或久不愈諸藥不能止
 須吐下之以開除積熱痞悶積滯而使氣液宣行者此
 逐之兼宣利積熱酒食積黃瘦中滿水氣腫腹脹兼瘰疬
 兒驚疳積熱乳癖諸症
 黃連 黃栢 大黃 甘遂

芫花醋拌 大戟銼 輕粉 青魚兩
 牽牛四兩取頭
 右為末研勻水丸小豆大初服十九丸每服加十九丸空心
 日午臨臥三服以快利為度後常服十五丸數日後得
 食力如利尚未痊再加取利利後却常服以意消息病
 去為度後隨症止之小兒丸如黍米大退驚疳積熱不
 須下者常服十九丸
 玄利積丸
 黃連兩 天水末兩 當歸兩 乳香兩
 蘿蔔子炒 巴豆一兩去油同
 右為末醋糊丸如桐子大弱者十五丸實者二十五丸
 治下痢赤白腹滿脹痛裏急上渴引飲小水赤澀此積
 滯也宜泄其熱中用清腸丸導氣丸推其積滯而痢自

無矣凡治精聚之症輕則溫而利之清腸丸是也重者
天真散舟車丸下之下後切勿復補之其或力倦自覺
氣少惡食此為扶虛症宜加白朮當歸身尾甚者加入
參若又十分重者止用此藥加陳皮補之虛回而利自
止矣

予族叔年近六十夏間患滯下病腹微痛所下褐色後重
頻併飲食大減時有微熱察其脉皆弦而澹似數稍長却
喜不甚浮大兩手相等視其神氣大減予曰此非滯下乃
憂慮所致心血虧脾氣弱也與參朮為君歸身陳皮為臣
川芎炒白芍茯苓為佐使如熱加黃連為使與兩月而安
金氏婦年近四十秋初尚熱濕滯下腹但隱痛夜重於晝
全不得睡食亦稍減口乾不飲已服治痢靈砂兩貼矣予
視之兩手脉等澹且不勻神思倦甚飲食全減因與四物

湯倍加白朮以陳皮佐之數貼而安

義一姪患瘧間日作熱氣脉虛甚身痛宜活血補胃待虛
稍回却又推積

人參分 白朮半錢 蒼朮 陳皮各一

白芍藥炒五分 川芎分 滑石錢一 甘草許少

桃仁研七分

藥後病退惟脉少弦身倦用此方調補

人參分 蒼朮錢三 半夏分 川芎錢一

陳皮錢一 木通半錢 甘草少

煎取三之一飲之可淡粥少少塞飢又靜坐養之

葉先生患滯下後甚逼迫正合承氣症但氣口虛形雖實
而面黃積白此必平昔食過飽而胃受傷每忍二三日辛
苦遂與參朮陳皮芍藥等補藥十餘貼至三日後胃氣稍

完與承氣二貼而安苟不先補完胃氣之傷而遽行承氣恐病安之後寧免瘦瘠乎

雜方

治痢煙燭丸黃蠟不拘多少用銀篋挑於真香油燈上燒薰落下水碗內凡如此者七次為丸如蘿蔔子大每二十九丸白痢甘草湯下赤痢烏梅湯下本草云蜜蠟主下利膿血補亡又云白蠟主後重

治重下此即赤白痢火熬鼓令少焦柞服之今日三效無比又熬鼓令焦水一升淋取汁冷服治淋日三服有效食治脾胃氣虛下利日夜不已腸滑不進食用野雉一隻如食法細研着陳皮葱椒調和鹽醬作餛飩熱煮空心食之

虛熱

瀉口痢胃中熱甚大虛大熱故也用大參乾黃連三錢濃煎汁終日細細呷之如吐再喫但一呷下咽便開又宜

封臍引熱下行用田螺肉搗碎着臍中入麝香少許

痢疾不納飲食者俗謂之噤口痢以脈症辨之如脾胃不弱問而知其頭疼心煩手足溫熱未嘗多服涼藥者此乃毒氣上衝心膈所以嘔而不食宜用敗毒散每服四錢

陳倉米二日粒姜三片棗一枚水一盞半煎取分溫服若其脈微弱或心腹膨脹手足厥冷初病則不嘔因服藥藥殼烏梅苦澁涼藥太過以致聞食先嘔者此乃脾胃虛弱

用山藥一味剉如小蒜大一半入銀毛銚內炒熟一半生用同為末飯飲調下又方用石蓮棗去殼留心并肉碾為末每服二錢陳米飲調下此疾蓋是毒氣上衝心膈依此以通心氣便覺思食效

熱

暴注下迫皆屬於熱全文見診香蓮丸治下痢赤白更急後重

醫學綱目卷之三

黃連去苦二十兩用吳茱萸十兩同炒木香四兩入錢不見火
右為細末醋糊丸如桐子大每服三十丸空心飯飲下
荳蔻香連丸治泄瀉不問寒熱赤白陰陽不調腹脹攻
痛可用如神

黃連三錢肉苳蔻一錢木香各一錢
右為細末粟米飯丸米粒大每服米飲下十丸至二十
十丸日夜各四五服食前

杜治氣痢瀉裏急後重神妙方黃連二兩乾姜半兩各為
末每用連二錢姜半錢和勻空心溫酒下

羅黃連阿膠丸治脾胃氣冷熱不調下痢赤白狀如腐膠
裏急後重脘腹疼痛口燥煩渴小便不利

黃連三兩茯苓二兩阿膠二兩
右各為末水調阿膠和藥製手丸如桐子大每服二十

九溫米飲湯下

仲熱利下重者白頭翁湯主之方見傷寒

仲下痢膿血裏急後重日夜無度宜導氣湯

芍藥二錢當歸五錢大黃一錢黃芩各二錢

黃連一錢木香一錢檳榔各一錢

右為細末每服三錢水一盞煎至七分去渣溫服如未
止再服下後重則止

潔太瘦泄者裏急後重數至圍而不能便莖中痛用清涼
飲子主之其泄自止莖中痛者屬厥陰加甘草裏急後重
多者屬少陰加大黃急推去舊物則輕矣內經曰因其
重而減之又云在下者引而竭之清涼飲子方見治發熱

裏急後重數至圍而不得便皆宜進退大承氣湯主之
進承氣法治太陰症不能食是也當先補而後瀉乃進藥

退承

醫學綱目卷之三

十九

法也先剉厚朴半兩姜製水一盞煎至半盞服若二三服未已胃有宿食不消加枳實二錢同煎服二三服泄又未已如不加食尚有熱毒又加大黃三錢推過泄未止者為腸胃久有塵垢滑粘加芒硝半合垢去盡則安矣後重無者宜之法蓋厚朴枳實大瀉元氣故也此法宜於重退承氣法治陽明症能食是也當先瀉而後補乃退藥法也先用大承氣五錢水一盞依前法煎至七分稍熱服如瀉未止去芒硝減大黃一半煎三服如熱氣雖已其人志腹滿又減去大黃但與枳實厚朴湯又煎二三服如腹脹滿退泄亦自安後服厚朴數服則已

垣感應丸治下痢赤白後重遲瀉方見內傷飲食門

丹或曰治後重疎通之劑羅謙甫水菘木香膏東垣白木安胃散等方已盡矣又有御半殼等固澁之劑亦愈者

後重有邪厚

何也曰後重本因邪壓大腸墜下故大腸不能升上而墜是以用大黃檳榔葶瀉其所壓之邪今邪已瀉其重仍在者知大腸虛滑不能自收而重是以用御米殼等瀉劑固其滑收其氣用亦愈也然大腸為邪墜下之重其重至圍後不減大腸虛滑不收之重其重至圍後發百中也其或下墜真常積中有紫黑血而又痛甚此為死血症法當用搗細桃仁滑石行之或口渴及大便口燥辣是名挾熱即加黃芩或口不渴身不熱喜熱手熨盪是名挾寒即加乾姜

八婦將產患痢脈細弦而稍數後重最急

滑石研三錢 芍藥二錢 枳殼炒半錢 木通二錢
 甘草分五 白朮錢二 茯苓一
 桃仁每貼九枚研同煎

有虛滑 有汚血

青田人肚痢紅氣血下墜逼迫不渴不熱

白朮 芍藥 陳皮 枳殼炒
歸身 滑石 甘草 桃仁
分八貼下實腸丸三十粒

一丈夫因酒多下血肚疼後重成痢

滑石 運翹 黃芩 木通
芍藥 枳殼 白朮 甘草

桃仁 枳殼 分四貼服

後重積與氣墜下服升消藥不愈者用秦茂皂角子煨大黃當歸桃仁枳殼黃連等劑若大腸風盛可作丸服

自古治裏急後重但用檳榔木香調氣及大黃下積至丹溪始用桃仁滑石活死血如鼓應桴其發前人之所未發也

調氣

其或下墜在血活之後此為氣滯症宜前藥加檳榔一枚後重當和氣積與氣墜下者當兼升兼消升謂升麻之類消謂木香

按柳

仲泄痢下重者以水五升煮薤白三升至二升去香以四

逆散方寸七分湯中煮取一升半分溫再服東垣云薤白泄帶氣

補血

食主赤白痢下薤白一握切煮作粥食丹其或氣行血和積少但虛坐努責此為亡血症倍用當歸身尾却以生地黄生芍藥生桃仁佐之復以陳皮和之血生自安

垣虛坐而不得大便皆因血虛也血虛則裏急加當歸身凡後重逼迫而得大便者為有物而然今虛坐努責而不得大便知其血虛也故用當歸為君生血藥佐之

升陽

凡諸用承氣等藥揆積之後仍後重者乃陽不升也藥中

當加升麻升其陽其重自去也

升陽除濕防風湯治裏急後重數至圍而不能便或吃有白膿或少血者慎勿利之升陽除濕防風湯方見下血

其或在下則纏滯在上則嘔食此為毒積未化胃氣未至症當認其寒則溫之熱則清之虛則用參朮補之毒解積下食自進矣

治痢方

蒼朮

白朮

茯苓

當歸

白芍藥

青皮

生地

黃連

滑石

甘草

作一服水煎裏急後重加黃連滑石桃仁檳榔甚者大黃嘔者加半夏姜汁

仲景建中湯治痢不分赤白久新但腹中大痛者神效其脉弦急或濡浮大按之空虛或舉按皆無力者是也

寒傷

冊委長官年三十餘奉養厚夏秋間患滯下腹大痛有人教服單煮乾姜與一貼痛定少頃痛作又與又定由是服乾姜一斤八日後為予視之左脉弦大似數右脉弦而大稍減亦似數重取之似緊予曰此必醉飽後吃寒涼太過當作虛寒治之因其多服乾姜遂教與四物湯去地黃加人參白朮陳皮酒紅花茯苓桃仁煎生姜汁飲之一月而安丹溪云下痢腹痛用姜桂溫散之去乃乾姜并建中湯並桂是也

聖治冷痢腹中不能食肉苳蔻一兩去皮以醋麩裹煨熟搗非時粥飲下二錢七

右下痢腹痛必溫散而愈者蓋本於內經所謂寒氣客於小腸小腸不得成聚故腹痛後泄及所謂太陽病冬日感寒即泄當臍而痛之病也

熱

垣芍藥黃芩湯治世痢腹痛或後重身熱久不愈脈洪疾者及下痢膿血稠粘

黃芩 芍藥各一 甘草五

右咬咀每服一兩水一盞半煎至一盞溫服無時如痛

加程少許

當歸導氣湯治膿血痢無度小便不通腹中二

當歸 芍藥 甘草 青皮

槐花 木香 檳榔 澤瀉

生地黃 酒浸陰乾

右為末水煎食前溫服如小便利去澤瀉

仲下痢腹痛紫參湯主之

紫參 甘草

右一味以水五升先煮紫參取三升內甘草煎取一升

久病積

厚朴丸治吹暑秋冬間腹痛下痢大效方觀

世治痢疾定痛黑子丸

黃蠟 杏仁 江子 砂仁

右三件香油燈上燒存性鎔蠟和勻加乳香些少丸如

米大每服十餘粒

本治積痢定痛靈砂丹

礞砂 硃砂 各等分

右用黃蠟五錢巴豆三七粒去殼皮膜同於銀石器內

重湯煮一伏時候巴豆熟黑差度去三七粒止用三七

粒與前藥二味同研極勻再鎔蠟和藥旋丸黍荳大每

服二丸至五丸水瀉生薑湯下白痢艾湯赤痢烏梅湯

下服時須極空心服畢一時不可吃食臨臥尤佳次食

淡粥一日瘧疾乳香湯面東不發自晚間服此藥不動
氣服之瀉者止痢者斷疼者愈有積者內化亦不動臟
腑大化痢有沉積者不先去其積雖暫安後必為害常
記陳侍郎經中庚戌秋過儀真求診初不覺有疾及診
視肝脈沉弦附骨取則牢予曰病在左脇有血積必發
痛陳曰誠如是前某守九江被口冒暑濕長江既抵行
朝血痢已數日矣急欲登對醫者以剛劑燥之雖得止
數日臍下一塊大如盈旬日如碗大痛發則不可忍故
急請公祠以歸耳奈何予曰積痢不可強止故積血結
於臍腸下非抵當丸不可渠疑而不肯服次年竟以此
終

羅陳麴丸治腹中冷痛磨積止痢

陳麴一兩 乾姜炮 官桂 白朮

當歸 厚朴 人參 甘草炙各
右為細末煉蜜丸如桐子大每服三五丸酒送下或
淡醋湯亦得食前下日三服發時不拘增數
右久病漸挨其積方

脈下痢而腹滿為實當下之

丹初下痢腹痛不可用參朮然氣虛胃虛者可用初得之
亦可用大承氣調胃承氣下之看其氣病血病然後加減
用藥 氣用參朮 血用四物 因積作後重者保和丸
主之五日後不可下脾胃虛故也

腹痛者肺經之氣鬱在大腸之間者以苦梗發之然後用
治痢藥氣用氣藥血用血藥 其或痢後糟粕未實或食
粥稍多或飢甚方食肚中作疼切不可驚恐當以白朮陳
皮各半煎湯和之自安 粥多及食肉作痛者宜奪食奪

初病宜下
氣鬱發之
食多作
疼減之

水宜分

食者成其粥食絕其肉味也

恒茯苓湯治因傷冷水瀉變作赤白痢腹痛減食熱燥四肢困倦無力

茯苓分六

澤瀉

歸身分四

芍藥一錢

蒼朮分

生姜錢

肉桂分五

黃芩三分

猪苓分

甘草五分

升麻

柴胡錢一

一本無升麻柴胡

右咬咀作二服水前稍熱食前服

陰陽反錯

羅神效越桃散治下痢之後小便利而腹中滿痛不可忍此名陰陽反錯不和之甚也

大梔子

良姜各三錢

右為末米飲或酒調下三錢

亦黃為

內經膿血稠粘皆屬相火夫太陰主瀉少陰主痢是洗洩

為寒

忘津液而火就燥腎惡燥居下焦血分其受邪者故便膿

血然赤黃為執青白為寒治須兩審治執以堅中九苦薏

丸香連丸治寒白膠香散或多熱少寒水煮木香膏虛滑

頻數宜止宜瀉宜養截湯木香養截湯並見虛滑條白膠香散未致

堅中丸治脾胃受濕滑泄注下

黃連

黃栢

赤茯苓

澤瀉

白朮略一

陳皮

肉苳蔻

白芍藥

人參

官桂

半夏麩各五錢

右為末湯浸蒸餅為丸桐子大每服五七十九丸温米飲

送下食前服

丹下血用四物為主當寧血和血當歸桃仁之屬

澁而便膿血者小腸泄也脉得五至已上洪大者宜七

宣丸脉平和者立秋至春分宜香連丸春分至立秋宜芍

用藥隨寒暑

藥栢皮丸四時皆宜加減平胃散如有七宣丸症者亦宜服此藥去其餘邪兼平胃氣

芍藥栢皮丸方 芍藥 黃栢各等

右為細末醋糊丸如桐子大每服五十九丸食前温湯下

加減平胃散經云四時皆以胃氣為本久下血則脾胃虛損血水流於四肢却入於胃而為血痢宜服此滋養脾胃

白木 厚朴 陳皮各一 枳榔三

甘草七 水香三 桃仁 人參

黃連 阿膠 茯苓各五

右咬咀每服五錢姜三片棗一枚水煎温服無時

多加桃仁 熱泄加黃連 小便澀加茯苓澤瀉 氣

不下後重加枳榔木香 腹痛加官桂芍藥甘草 膿

多加阿膠 濕多加白木 脉洪大加大黃

食積

丹下血多主食積與熱或有用朴硝者

蒼朮 白木 黃芩 芍藥

滑石 茯苓 甘草 陳皮

神麴炒 煎下保和丸

世治痢食積

附米 神曲 川芎 梔子

滑石 山查 紅麴 青黛

桃仁 為末丸服

温熱

青六丸云三焦濕熱治泄瀉多與清化丸同服並不單服兼治產後腹痛或自利者能補脾補血亦治血痢效

六一散 益元散 紅麴炒半兩 活血

右飯為丸一方酒糊丸

二十九官肚痢食少下墜赤積身熱

木通二錢 芍藥炒 陳皮 白朮

滑石錢五 甘草五分

分四貼煎下保和丸與點丸各十九丸

蒼朮地榆湯治脾經受濕下血痢

蒼朮兩 地榆兩

右剉每下兩水二盞煎一盞溫服

槐花丸治血痢久不止腹中不痛不裏急後重

青皮 槐花 荆芥穗各等

右為末水煎空心溫服

仲小腸有寒者其人下重便血

集治血痢神效乾姜於火上燒黑不令成灰磁碗合放

為末每服一錢米飲調下

白屬氣 恒大便後有白膿或只便白膿因勞役氣虛傷大腸也以

內寒

白屬氣

勞熱

黃芪人參補之如裏急頻見汚衣者血虛也更加當歸身
如便白膿少有滑煩見汚衣者氣脫加附子皮甚則加御
米殼如氣瀆者只以甘藥補氣當安臥不言以養其氣瀆
忌御米殼但服
甘藥安臥不言

丹丈夫辛苦勞役肚痢白瀉

滑石兩 陳皮 白朮錢六 芍藥錢五

黃芩錢三 甘草五分 桃仁箇十

分六貼水一盞半煎取一盞食前服

孫郎中因飲水過多腹脹瀉痢帶白

蒼朮 厚朴 白朮 茯苓

滑石 下保和丸又云加炒麴甘草

身熱脈洪瀉熱治痢熱多者
大黃 黃連 黃柏 黃芩

枳殼

白芍藥

當歸

滑石

甘草

桃仁

白木

右等分為末麪糊丸

世不問赤白痢用苦費根不拘生乾搗取汁生薑蜜水調服未效再進半碗許立愈

集患赤白痢山查根搗末蜜丸空心煎水下二十九三服止

治下痢冷熱諸治不瘥方

烏頭

黃連

右二味為末蜜和丸如桐子大下二十九日三夜三神

妙

世治似痢非痢按熱者用苦練根皮去粗皮晒乾

右為末粳米飲為丸米飲下

羅至元

乙亥惠臺王千戶領兵鎮漣水此地卑濕因勞役過度飲食失節至秋深瘧痢併作月餘不愈飲食全減形容羸瘦時已仲冬求治於予其陳其由診得脉弦細而微如蛛絲身體沉重手足寒逆時復麻痺皮膚痲疥如癘風之狀無方以動心腹痞悶嘔逆不止皆寒濕為病久淹真氣衰弱形氣不足病氣亦不足陰陽皆不足也針經云陰陽皆虛針所不為灸之所宜內經云損者益之勞者溫之十劑云補可去弱先以理中湯加附子溫養脾胃散寒濕澁可去脫養藏湯加附子固腸胃止泄痢仍灸諸穴以併除之經曰府會太倉即中脘也先灸五七壯以溫養脾胃之氣進美飲食次灸氣海百壯生發元氣滋榮百脉克實肌肉復灸足三里胃之合也三七壯引陽氣下交陰分亦助胃氣後又灸陽輔二七壯接續陽氣令足脛溫暖除清

濕之邪迫用餘病退平復 理中湯方見傷寒部加附子名附子理中湯

海六脉沉緊按之不鼓膀胱勝小腸也或瀉痢不止而腹脹或純便赤血或雜以血膿小便使不多而不渴精神短少或面白色脫此失血之故也或面黃氣短此本氣損少之故也小腸者手太陽丙火也膀胱者足太陽壬水也是壬水乘兩小腸之位小腸被壬所剋而外走也諸手經短而足經長兼五行相剋論之又足經來剋手經此火投於水大寒水之症宜溫之可安其與難經一症寒熱相反亦各曰小腸瀉此病火投于水變為寒症又外傷足太陽膀胱經左脉俱浮表陽之候也忽變為內寒亦旺火投盛水而屈丙就壬化脉反不浮而微沉此內病與外病俱有此火投水例非精於脉診者孰能辨之

石脂神砂丹

生附子

乾姜各五錢

赤石脂兩半 硃砂一兩 細研

右細末酒糊丸黑荳大每服十五丸米白湯下

太平廣記真觀中太宗苦於氣痢衆醫不效詔問孫臣中

有能治者當重賞之有術士進以乳汁煎草撥服之立瘥

世治水泄併赤白痢用草烏大者一兩半將一牛燒灰下

半生用為細末醋糊丸如菉荳大每服七丸赤痢甘草湯

下白痢乾姜湯下水瀉井花水下並空心服忌腥臊熱毒

諸冷物

世俗治夏中暑痢疾用黃連香薷飲加甘荳芍藥生姜神

效者蓋夏月之痢多屬于暑潔古治處暑後秋冬間下痢

用厚朴丸大效者蓋秋冬之痢多屬于寒經所謂必先歲

氣毋伐天和者是也厚朴丸方見 初病大腸閉塞裏急

後重治法並見前 後重治法並見前

法夏秋治

物病宜
宜通
腸固滑

寒滑

其或纏滯退減十之七八穢積未盡糟粕未實當以炒
芍藥炒白朮炙甘草陳皮茯苓煎湯下固腸丸三十粒然
固腸丸性燥恐尚有滯氣未盡行者但當量飲此湯固腸
丸未宜遠用蓋固腸丸者雖有去濕實腸之功其或久痢
體虛氣弱滑泄不止又當以訶子肉荳蔻白礬半夏等藥
瀉之甚者添牡蠣可擇用之然須以陳皮為佐恐太瀉亦
能作痰又甚者灸天樞氣海此穴大能止泄
仲下痢便膿血者桃花湯止之方見傷寒若一服愈勿再服丹溪云桃花湯主病屬重不能止血用粳米之其以引入腸胃
羅水煑木香膏治脾胃受濕臍腑滑泄腹中疼痛日夜無
度腸鳴水聲不思飲食毋欲痢時裏急後重或下赤黃或
便膿血並宜服之

木香

丁香各一

枳實錢炒

當歸

乳香

訶子皮各一兩

肉荳蔻

砂仁各半兩

藿香

黃連炒

白芍藥

青皮

陳皮去白

厚朴制

甘草各一兩

乾姜炮五錢

御米殼蜜水炒六兩

右為細末煉蜜丸彈子大每服一丸水一大盞劈破煎

至六七分粗查稍熱食前服

海易簡斷下湯治下痢赤白無問新久長幼

白朮

茯苓各一錢

甘草五分

荳果連皮一箇

右咬咀用鹽粟殼十四枚去筋膜并萹蒂剪碎用醋浸
為麩末用作一服水一大碗姜七片棗十烏梅各七箇
煎至一大盞分二服服之赤痢者加烏荳二粒白痢者
加乾姜五錢當粟殼治痢服之如神但性緊瀉多令人
嘔逆既以醋制加以烏梅不致為害然嘔吐人則不可

服大率痢疾古方謂之滯下多因腸胃素有積滯而成此疾始得之時不可遽止先以巴豆感應丸十餘粒白梅湯下令大便微利仍以前藥服之無不應手作效若脾胃素弱用荳蔻橘紅鶯粟殼各等分為末醋煮麩糊為丸桐子大每服五十九丸烏梅湯下兼治泄瀉暴下不正一服即愈更令藥力相倍為佳如覺惡心却以理中湯四物湯加荳蔻木香薑調其胃氣仍以二陳湯芩朮香丸定其嘔逆大凡痢疾乃腹心之患尊年人尤非所宜若果首尾用平和之劑決難作效必致危篤雖欲服此則已晚矣其秦艽地榆黃栢木通之類其性苦寒却難輕服血痢當服胃風湯并膠艾湯之類白者宜服附子理中湯震靈丹之屬更宜審而用之若下色雜下泄瀉無時當用熟烏頭一兩厚朴乾姜甘草各一

熱滑

世治痢

錢生薑煎服今之治痢多用駐車在黃連阿膠丸之類其中止有黃連肥腸其性本冷若所感積輕及餘痢休息不已則服之取效若病稍重則非此可療

側栢葉錢二甘草三

御米殼去穢穰湯洗三次曬乾蜜炒黃

右吹咀水煎熟澄清入蜜啣服之先服木香栢榔丸後服此妙

本又方

黑荳五升陳皮兩鶯粟殼十四甘草

右四味半生半炒水煎空心服盡此一劑無不效者

白木安胃散治一切瀉痢無問膿血相雜裏急窘痛日夜無度又治男子小腸氣痛及婦人膝下虛冷并產後兒

枕痛虛弱寒熱不正者

御米殼三兩去頂穢

烏梅錢炒

右為末每服五錢水煎溫服

經治腸滑久痢神妙以石榴一箇劈破炭火簇燒令烟盡

急取出不令作白灰用碗蓋一宿出夾毒為末用酸石榴

一箇煎湯調二錢

聖治痢久不止腸垢已出以烏梅二箇水一盞煎取六分

去查食前分為二服

山治痢用五倍子為丸赤痢甘草湯下白痢乾姜湯下各

十九

脫肛

垣訶子皮散癸卯歲冬十月小雪天冷應時樞密院白奉

一老僕面塵脫色神氣特衰長跪於前曰病脫肛日久服

藥未驗近日復下赤白膿痢作裏急後重白多赤少不任

其苦求予治療予曰此非肉食膏粱者也必多蔬食或飲

食不節天氣已寒衣蓋又薄寒侵形體不禁而腸頭脫下

者寒也滑也真氣不禁形質不收乃血脫也此乃寒滑氣

泄不固故形質下脫也當以澁去其脫而除其滑以大熱

之劑除寒補陽以補氣之藥升陽益氣以微酸之味固氣

上收名之曰訶子皮散

御米殼五分去花

訶子皮七分煨

右咬咀水煎服或為白湯調服亦可若空心一服減半

再服全愈

羅養臟湯治大人小兒腸胃虛弱冷熱不調臟腑受寒下

痢去白或便膿血有如魚腦裏急後重臍腹疼痛日夜無

乾姜六分

陳皮五分

度胃腸痞悶脇肋脹滿全不思食及脫肛墜下酒毒濕毒便血諸藥不效者並宜服之

再人參

當歸各六

木香一兩

肉桂八

肉蔻

白芍藥二兩

甘草六錢

白朮六錢

御米殼三兩

訶子皮二兩

右咬咀每服二大錢水煎去查食前溫服老人孕婦小兒暴瀉急宜服之立愈忌酒麪生冷魚腥油膩物臟腑滑泄夜起久不瘥者可加附子四片煎服此藥神效不可具述

保治泄痢膿血乃至脫肛者宜地榆芍藥湯

蒼木兩

地榆

卷柏

芍藥兩三

右咬咀每服二兩水煎溫服病退勿服

六孔開

治痢大便不禁其六孔開如空洞不開者用葱和花椒

未搗爛塞穀道中併服酸澁固腸之劑收之如御米殼訶子皮之類是也神效

六孔痛

丹陳伯天年二十歲性急好酒色奉養尊適有事多憂恐患久瘧寒熱無時忽一日大發熱大便所下皆是積滯極臭六孔極痛呻吟不絕其孔陷下囑付後事予曰此大虛也脈皆弦大而浮遂以芫片合敲圓如銅錢狀煖紅投童子小便中急取起令乾以紙裹安痛處其時寒慄外寒乘虛而入也以人參當歸陳皮作濃湯飲之食淡味至半月而安

久下赤白六孔痛不可忍炒鹽熨之又炙枳實熨之後痢久大孔急痛亦有寒熱者熟艾黃蠟訶子燒薰之妙

下痢六孔痛因熱流于下棋樹木香黃連黃芩加乾姜

運氣 運氣下血有二

其一熱助心血盛而血下經云少陰司天熱淫所勝民病血泄弱色變又云少陽在泉火淫所勝民病弱赤甚則使血又云歲金不及炎火乃行民病血便注下又云厥陰司天風氣下臨火縱其暴赤沃下注治以鹹寒是也

其二寒攻心血虛而下經云太陰司天寒淫所勝血變于中民病血泄又云太陽之勝血脉凝泣或為血泄又云陽明司天之政四之氣民病血使治以諸熱是也

運氣下白皆厲火經云少陽司天客勝甚則下白溺血是也

運氣下赤白有三

其一屬火經云少陽司天火淫所勝民病泄注赤白又云少陽在泉火淫所勝民病泄注赤白少腹痛注下赤白治

雜方

以其清是也

其二屬風經云厥陰之勝腸鳴殭泄少腹注下赤白治以甘清是也

其三屬風濕經云太陽司天之政四之氣風濕交爭民病注下赤白是也

運氣裏急後重有二

其一濕助脾盛而重經云太陰之勝少腹滿腰腫重強肉不便善注泄是也

其二風攻脾虛而重經云厥陰司天風淫所勝民病溇泄

救命延年丸治丈夫女人一切重痢

黃連 乾姜 當歸 阿膠

右三件為末用米醋煮阿膠令消盡不可剩却拌藥搜

醋丸如桐子大每服三十九飯飲吞下甚效

又方黃菜黃 黃連 阿膠 白芍等分同

右為細末麩糊為丸如桐子大每服三十九陳米飲送

下小兒十九丸無擇無阿

羅阿膠梅連丸治下痢無問新久赤白青黑疼痛諸痢

阿膠細研 烏梅肉炒 黃柏炒 黃連

當歸細研 赤芍藥炒 乾姜炮 赤茯苓各等

右為末入阿膠末研勻水丸桐子大米飲下

黃連丸治赤白痢

吳茱萸黃連黃連白朮各等 右用好酒同浸二日各自為末各目丸白痢茱萸丸赤

痢黃連丸甘草湯下赤白痢一升相和服

右四友寒熱煎施收散兼用之劑寒熱滑滯雜合為痢

者主之

崔治痢方以生薑切如麻粒大和好茶二碗任意啗便

愈若熱痢則留姜皮冷則去皮炒 又方用陳皮艾葉濃

煎湯服

針灸滯下獨取足太陰下經經云脾足太陰之脉所生病者滯

瘕泄水視盛虛熱寒墮下取之也

東泄痢不禁小腹痛後重便膿血灸

丹田一寸 復溜 小腸俞灸七壯 天樞 腹哀謂

五分 冷痢腹痛泄注赤白關元 窮谷各灸五

泄痢及下失氣膿血下腰 脊骨上灸各三宗骨三報

之 便膿血久痢下重小腸俞

世裏急後重合谷 外關

甲便膿血寒中食不化腹中痛腹哀主之 溏瘕腹中痛

臟痺地機主之

宜忌

予族叔形色俱實瘰癧又患痢自恃強健能食絕無忌
 憚予曰名予曰却健而能食但苦汗出耳汝能止此汗否
 予曰瘰癧非汗不能愈可慮者止健與能食耳此非痢也
 胃熱善消脾病不化食與積熱已甚矣此時宜節擇飲食
 以養胃氣省出入以避風寒候汗透而安叔曰世俗謂無
 飽死痢疾我今能食何謂可慮予曰痢而能食者知胃氣
 未病也故言不死非謂恣食不擇節者不從所言恣食大
 嚼過多又啖水菓如此者月餘後強求治不可着手矣淹
 淹又月而死內經以驕恣不論於理為不治之病信哉
 又周其姓者形色俱實患痢善食而易飢大嚼不擇者五
 月矣予責之曰病中當調補自養豈可恣味戕賊遂教其
 只用熟蘿蔔吃粥且少與調治半月而安

羅如瀉痢止脾胃虛難任飲食者不可一槩用剋伐之劑
 宜補養充足自然能飲食也宜錢氏方中異功散設或喜
 嗜飲食太過有傷脾胃而心腹痞滿惡心嘔逆不拘此例
 當權用橘皮枳朮丸一服得快勿再服若飲食調節不致
 有傷則胃氣自和平矣

痢下痢久甚者寒涼藥中必兼升散并熱劑初下痢不可
 用參朮唯氣虛者用之

衍有一男子暑月患血痢醫家用寒藥逆制專用木香黃
 連阿膠治之此藥始感便用則可倘病久腸虛者不宜服
 切宜戒之 地榆性沉寒苦性下焦熱血痢則可用若虛
 寒人及水瀉白痢未可輕使

古方用厚朴專為瀉積滯之氣然厚朴性太溫而散氣
 久服大能虛火滯氣稍行即去之餘滯未盡宜炒枳殼陳

皮然枳殼亦能耗氣比厚朴雖少緩比陳皮亦為重若滯氣退一半亦當去之只用陳皮以和藥然陳皮去白用有補瀉之無能若為參朮之佐亦純作補藥用

久泄久痢

臟腑有積在上宜吐
予族叔年七十稟壯形瘦夏末患泄痢至秋百方不應予視之病雖久而神不瘳小便澀少而不赤兩手脉俱澁而頰弦自言胃微悶食亦減因悟曰此必多年沉積癖在腸胃詢其平生喜食何物曰我甚喜食鯉魚三年無日不用予曰積痰在肺肺為大腸之臟宜大腸之不固也當與澄其源而流自清以萊菔陳皮青葱蘆薈根生姜煎濃湯和以砂糖飲一碗許自以指探喉中至半時吐痰半升如膠其夜減半次早又服又吐半升而痢止又與平胃散加白朮黃連旬日而安 朱仲符年近七十右手風壅多年

在下宜

七月患泄瀉百藥不愈診其脉右手浮滑而洪數予曰此必太陰分有積痰肺氣壅鬱不能下降大腸虛而作泄當治上焦遂用蘿蔔子加漿水蜜探之而吐得痰一塊大如椀色如琥珀稠粘如膠痢遂止不服他藥鹿茸一本作鹿目無考
予和東門一男子病泄痢不止腹鳴如雷不敢冷坐在下宜則下注如傾諸醫例斷為寒症官桂乾姜丁香荳蔻枯礬龍骨之屬皆服之矣針灸無效迂延已二十載矣一日問于戴人戴人曰兩手寸脉皆滑予不以為寒然其所以寒者水也以茶調散湯寒水五七升又以無憂散泄積水數行乃通因通用之法也次以五苓散淡劑滲泄利水道又以甘露散止渴不數日而冷食寒飲皆如故此法王啟玄言之矣柰無人用之何哉 太康劉倉使大便少而頰日七八十次常於兩股間懸半枚瓠葉戴人見而笑之曰便

既頻而少欲通而不得通也何不夫下之此通因通用也則此一服藥之力乃與藥大下二十餘行頓止

潔治泄痢久不安膿血稠粘裏急後重日夜無度宜大黃湯用大黃一兩剉用好酒兩大盞浸半日同煮至一盞半去渣分為二次頓服之痢止停服未止再服以利為度又服芍藥湯以和之所以徹其毒也芍藥湯方見滯下和裏條

保白朮黃芩湯服前藥痢已除宜以此和之

白朮丹 黃芩 甘草
右咬咀水煎去渣溫服
丹有人每早須大瀉一行或腹痛或不腹痛空心服此藥亦無效有人教以夜食前又進熱藥一服遂安後如此常服愈蓋暖藥雖平日服之至夜方已足無以敵一夜陰氣之故也

本治腎洩五味子散

五味子 吳茱萸 右二味炒香熟研為細末每服二錢陳米飲下有人每五更將天明時必溏痢一次如是數月有人云此名腎泄腎感陰氣而然服此頓愈

每日早起瀉二行俗謂之受肚瀉是也其症有二一屬寒積在內即前一條之症是也 一屬食積在脾嘗治翁仲政久泄早必泄二行泄後便輕快脈滑而少弱先與厚朴和中丸五十九大下之後以白朮為君枳殼茯苓半夏為臣厚朴炙甘草連川芎滑石為佐吳茱萸十餘粒為使生薑煎服十餘貼而愈

下痢已瘥至其年月日特復發者以病不盡故也當下之宜大承氣湯

熱積寒下

寒積熱下

本治痼冷在腸胃間頻年腹痛泄瀉休作無時服諸執藥不效宜先取去然後調治不可畏藥以養病也

厚朴

乾姜

甘草

桂心

附子生各二升

大黃生細切水一盞浸半日煎汁用之

右咬咀水二升半煎合後下大黃汁再煎合去查分三溫服服自夜至曉令足否則更以乾姜九佐之

乾姜丸

乾姜

巴菝去心研大黃

人參各一

右除巴菝餘為末同研煉蜜丸如桐子大食前用湯吞下下九陳米飲亦得

有人因憂愁中傷食結積在腸胃欲發吐利自冬後至暑月積傷發暴下數日不已玉函云下痢至隔年月日應期而發者此為有積宜下之止用溫脾湯尤佳如難下可左

以乾姜丸後服白米散

白米

木香

附子

人參各一

右細末每服二錢水一盞生姜二片棗子一箇煎六分溫服

汚血

丹東陽胡元年四十歲患痢百餘日百法治不效時正九月初旬予診其六脉促急沉弦細弱托左手為甚晝夜十行視之穢物甚少雖不清涕中有紫黑血絲食全不進予曰此非痢也當作瘀血治之其兄問瘀血何事而致予曰飽食急走極力叫罵歐打顛撲多受疼痛盛怒不泄補塞太過大酒大肉皆能致之彼云去歲枉受責杖經涉兩年恐非此等瘀血乎曰服吾藥得瘀血下則生矣以桃仁乳香沒藥滑石佐以檳榔木香用神麩糊為丸以米飲下五粒至夜半文不動又依前法下二百粒至天明下穢如爛

風邪內縮

魚腸者二升半因頭終日漸與粥食而安
久泄是風邪內縮先煎小續命湯以發其汗使邪氣不能
侵於外然後治其痢秋冬間下痢併治者胃加減厚朴在
大妙

此症係風邪縮於內其症下痢不止寸脈沉而遲手足
厥逆下部脈不至咽喉不利或嘔吐膿血為難治宜麻
黃升麻湯或小續命湯以發之法曰表邪縮于內當散
邪於四肢布於絡脈外無其邪臟腑安矣有食積者加
枳實五錢如酒久而泄瀉此熱也加黃芩五錢麻黃湯
傷寒小續命
湯見中風

通內通

子和李德卿妻因產後病泄一年餘四肢瘦乏諸醫皆斷
為死症求治戴人戴人曰兩手脈皆微小乃痢病之生脈
况洞泄屬肝經肝木克土而成此疾亦是腸澼者腸中

寒

有積水也先以舟車九四五粒又以無憂散三四錢下
四五行人皆駭之病羸如此尚可通耶眾人雖疑然未敢
謂且更看之復以導飲丸又通之渴則調飲五苓散向晚
使入伺之已起而緝麻前後約三四十行以胃氣湯調之
半月而能行一月而安健 劉德源病洞泄逾年食不進
肌瘦力乏行步欹傾面色黧黑舉世治痢之藥皆用之無
效戴人先以舟車丸無憂散下十餘行殊不困已頗喜食
後以檳榔丸磨化其滯待數日病已大減戴人以爲去之
未盡當再服前藥德源亦欣然請下之又下五行次後數
日更以苦劑越之往問其家彼云已下村中收索去也
石肉積 冊 一丈夫酒多病泄久不愈又自進附椒等食不進洩愈
多

滑石

黃芩 胖

乾姜

黃連

樗皮

粥為丸每服一百丸

子治方憲可二三年久泄下積但食肉則甚脉右關滑左沉細先以厚朴丸三四十粒下之次奪其食用補劑加二陳及朴連查榔等消導藥煎湯下厚朴丸五粒阿魏丸二十五丸服之五六日漸得下氣多而泄不止遂間服固腸丸泄漸止即安是知固腸丸之苦寒治酒肉積之要藥也厚朴丸方見前

虛寒

垣聖餅子治瀉痢赤白臍腹撮痛久不愈者

黃丹

蜜陀僧

輕粉

定粉

右為細末入白麩四錢和水丸如桐子大捻作餅子陰乾食前溫漿水磨服以大便黑色為效衍義云黃丹脾泄當大補脾氣而健運之

肉荳蔻丸治腎泄久不愈脉沉細無力者效

破故紙

肉荳蔻

右為末棗肉丸如桐子大米飲空心下

世固中丸治脾久泄去後與氣不快者

蒼朮

肉荳蔻

右粥丸桐子大每服五十九丸於固中丸內加破故紙下

兩名固下丸治腎久泄

丹泄瀉丸治久病大腸氣泄

熟地

芍藥

乾姜

生甘草

右為末白湯調服再炙百會三五壯

又方白朮神麩芍藥或散或丸子服愈

虛積

垣治老人奉養太過飲食傷脾常時脾泄

白木兩二 白芍藥酒炒神麩兩半 山查兩

半夏兩一 黃芩兩半

右為采青荷葉燒飯丸

虛滑 本治腎泄宜五味子散方見早

訶黎勒丸治休息痢晝夜無度臍腹撮痛諸藥不效

椿根白皮兩二 訶子半兩 母丁香三十粒

右為細末醋糊丸如桐子大每服五十九丸陳米飲湯入

醋少許一日三服效謂椿根乃樗根俗所

本木香散治隔年痢不止并治血痢尤捷

木香枝子黃連 鷲艾殼到用生薑

甘草兩一

右為細末入麝香少許每服一錢陳米飲下

雜方 世治久瀉不正用百草霜研細以粥糊為丸白湯下

張文仲治痢父下經時不愈者此名休息痢取大虫骨炙焦搗嚼常服之取葉效

千治赤白痢積年不瘥飲湯調雲母末方寸七兩服效

又治血痢用十年石灰五升熬黃以冰一斗攪令澄清二

服月三升

胎前下痢

本治婦人胎前產後赤白痢

生姜年少者百錢老者二鴨子一箇打碎入

右二味煎至八分入蒲黃三錢煎五七沸空心温服立

效

三 姪娘下痢赤白絞刺疼痛

鷄子一枚烏鷄者佳 黃丹一錢入鷄子殼內打

泥固濟火上煨焙乾研為細末

右每服二錢米飲調下一服愈者是男二服愈者是女
大治妊娠素弱類併下痢腹痛羸瘦面色痿黃不進飲食
厚朴半兩 白朮一兩 川芎一兩 白芍藥一兩

熟地一兩 當歸一兩 乾姜一兩 人參各一兩

訶子錢三 甘草錢一

右咬咀每服四錢姜三片同煎

又方治妊娠下痢腹痛小便澀

當歸一兩 黃芪各一兩 糯米一合

右細切和以水煎分四服

大寧散治妊娠下痢赤白灰色泄瀉疼痛垂死者

黑荳三十粒 粟殼二兩半 甘草二兩半

右為粗末都作一服生姜三片同煎食前服神效

大治妊娠改熱下痢亦治男子常痢

黃連各一兩 黃栢各一兩 山梔仁二十粒

右咬咀每服五錢水二盞浸二時久煮十沸頓服若嘔

加陳皮一兩半 姜三兩

黃連湯治妊娠下痢赤白膿血不止

黃連各一兩 厚朴制 阿膠炙 當歸各一兩

乾姜各六分 艾葉各六分 黃栢各四分

右為細末空心米飲調下方寸七日三服

滯氣厚朴散治妊娠下痢黃水不絕

厚朴姜制 黃連各三兩 肉荳蔻皮用一枝連

右為釐末水煮頓服

草菓飲治妊娠臑氣本虛脾胃少弱臑腑虛滑腹痛

日夜無度

厚朴姜制 肉荳蔻一箇麩

右咬咀每服三錢姜三片同煎

產後痢

虛

雲救急散治產後赤白痢腹中絞痛

芍藥 阿膠 艾葉

甘草 當歸各三

熟地各一

右咬咀水煎分二服空心飲

大當歸芍藥散治雜娠腹中絞痛心下急痛及療產後血

暈崩中久痢方見婦人血崩門

後重者散之

楊療姙娠血痢用阿膠二兩以酒下升半煮取一升頓服

大產後諸痢煮薤白食之又方羊腎脂炒薤白空心食

之甚佳

經治產後胎前痢疾敗龜甲一枚米醋炙研為末醋湯調

下丹溪云龜甲大補陰治勞倦

丹婦人患墮胎後膈滿食少痢不止脉虛左手尤甚

滑石 白芍藥炒 蒼朮各五錢 白朮二錢五分

乾姜四錢 茯苓一錢 訶子二錢

右為細末調下保和丸四五粒

熱滑 雲產後血痢膈腹疼痛四物湯加槐花黃連御米殼等藥

黃連丸治產後赤白痢腹中攪痛不忍

黃連兩 阿膠 蒲黃 梔子仁各一兩

當歸二兩 黃芩 黃柏各二兩

右為末煉蜜丸如桐子大每服六七十丸米飲調下日

三夜

仲產後下痢虛極白頭翁加甘草阿膠湯主之脉經作熱痢重下新

白頭翁 阿膠各二 黃連 黃柏

極虛者

秦皮兩三 甘草兩

右以水七升煮取二升半納膠令消盡分三服溫服
婦人臨產痢疾山梔不拘多少燒灰為細末空心熱水調
下三錢甚者不過五服

產後血痢小便不通脘腹疼痛用生馬齒莧搗汁二大合
煎一沸下蜜一合調頓服

寒滑

梅治產後血泄不禁餘血作痛薤白桂心乾姜等分為末
空心酒調服方寸匕

雜方

大瘡產後痢日五十行者取木裏蠹虫糞炒黃急以水沃
之令稀稠得所服之即瘥

聖產後諸痢方取蒼耳葉搗汁半盞日三四溫服

大便不通 產後大便閉 大小便不通

產後大小便不通

虛實

垣津液耗而燥者以辛潤之 腎主五液津液成則大便
如常若飢飽勞役損傷胃氣及食辛熱厚味之物而助火
邪伏於血中耗散真陰津液虧少故大便結燥又有年老
氣虛津液不足而結者腎惡燥急食辛以潤之是也

氣血風燥皆潤之

潤腸丸并加治胃中伏火大便閉澹或乾燥不通全不思
食乃風結血秘皆令閉塞須潤燥和血疎風則自然通矣

羌活 歸稍 大黃 麻仁

桃仁 泡去皮尖

右為末除麻仁桃仁另研如泥外為細末煉蜜為丸如
桐子大每服三五丸空心白湯下 如病人不小使
因大便不通而澁其邪盛者急加酒洗大黃以利之
如血燥者加桃仁酒洗大黃 如風結燥者加麻仁大
黃 如風澁者加煨皂角仁大黃秦艽以利之 如脉

潛覺身疼氣滯者加郁李仁大黃以除氣躁如寒陰
之病為寒結閉者以局方中半硫丸或加前附子生姜
湯冰冷與之其病雖陰寒之症當服陽藥補之若大便
恒不甚通者亦當平服中與一服利藥微通其大便不
令閉結乃治之大法也 若病人雖是陰症或是陰寒
之症其病顯躁脉堅實亦宜陽藥中少加苦寒之劑以
去熱躁躁止勿加如陰躁欲坐井中者其二腎脉按之
必虛或沉細而遲此為易辨如有客邪之病亦從權加
藥以去之

右一方加減法隨寒熱虛實及血秘氣秘風秘用藥至
為詳盡餘方皆不出此也

垣活血潤腸丸治大便風秘血秘時常結躁
防風稍錢 羌活丹 大黃煨

麻子仁三兩 桃仁二兩 研如泥 皂角仁炮存性去皮研一兩其性得濕則滑
右除麻仁桃仁另研如泥外為極細末煉蜜為丸桐子
大每服五十九白湯下三三服後須以蘇子麻子粥每
日早晚食之大便日久再不結燥以磁器盛之紙封勿
令見風

當歸潤腸湯

升麻錢二 當歸稍錢一 熟地錢一 生地錢二
紅花錢五 大黃煨 甘草稍生 桃仁
麻仁研如泥
右劉如麻豆大作一服水三盞入桃麻仁前二盞空心
稍熱服
導滯通幽湯治大便難幽門不通上衝吸閉不開噎塞不

便燥閉氣不得下治在幽門以辛潤之

當歸身

升麻稍

桃仁泥

甘草炙各錢

紅花炒

熟地

生地各五

右咬咀作二服水二大盞前至一盞調檳榔細末五分

海許學士治年老虛秘麻仁蘇子各半合研取汁分二服

羅潤腸橘杏丸降氣潤腸服之大腸自無滯滯

橘皮

杏仁去皮尖并

右等分為栗煉蜜丸如桐子大每服五十九空心溫水

下亦不損胃氣

右乃潤燥法蓋桃仁麻仁治血燥杏仁郁李仁治氣燥

皂角仁治風燥也

丹楊淳三哥大便秘澀小使如常咽塞不通食下便有痰

人參

黃芪錢各一

厚朴炒分

地黃分

桃仁

根炒各錢

甘草炒許

煎入竹瀝姜汁飲之又與鎖陽菴蓉二錢桃仁丁錢煮

婦人腸秘補血和氣以通之

肉苁蓉半

麻仁

白芍藥

陳皮

當歸身一

右為末晒乾炒神麴糊為丸如桐子大食前白湯下五

世菴潤腸丸治發汗過多耗散津液大腑秘結

從蓉酒浸焙沉香另研
右為末用麻仁汁打糊丸如桐子大每服七十九米飲下

海益血丹治大便燥久虛亡血多

當歸酒浸熟地各等分

右為末煉蜜丸如彈子大細嚼酒下

丹大腸虛秘而熱者

白芍藥半兩陳皮

生地

當歸身各一條

條芩 甘草

右粥為丸白湯下

右莖葉當歸地黃潤燥法蓋積血枯竭而虛甚者宜之

恒有物有積而結者當下之仲景麻仁湯方七宣丸皆響響然不能大便者以苦泄之以大黃為君之類是也

有積者泄之

之

恒治注夏大便瀉滯者血少血中伏火也黃芪人參湯加

生地黃當歸身桃仁淫麻仁淫潤之黃芪見註人參湯如潤

乏大便久不快利者少加煨大黃微利之如加大黃又

不快利者非血結血秘是熱則生風病必濕風症止當服

黃芪人參湯只用羌活半兩防風半兩水四盞煎至一盞

去查空心服之其大便必大走也

脾約丸論○成無已曰約者結約之約又束約之約胃

強脾弱約束津液不得四布但輸膀胱故小便數而大便

硬故曰脾約與此丸以下脾之結燥潤腸結化津液入胃

則大便利小便少而愈矣愚竊有疑者既曰脾約脾弱不

能運也脾弱則土虧矣必脾氣之散脾血之耗原其所由

久病大下大汗之後陰血枯槁內火熾灼熱傷元氣又傷

於脾而成此症傷元氣者肺金受火克氣無所攝傷脾者

西北方
人宜
結
東南方
人宜
潤
燥

秘赤食便
秘為物

肺為脾之子肺耗則津竭必竊母氣以自救金耗則木寡
于畏土欲不傷不可得也脾失轉輸之令肺失傳送之官
宜大便秘而難下小便數而無藏畜也理宜滋養陰益使
孤陽之火不熾而金行清化木邪有制脾土清健而運行
津液津液入胃則腸潤而通矣今以太黃為君枳實厚朴
為臣雖有芍藥之養血麻仁杏仁之溫潤為之佐使用之
熱甚而氣實者無有不安愚恐西北二方地氣高厚人稟
壯實者可用若用之東南之人肉熱自甚而血氣不實者
雖得暫通將見脾愈乾而燥矣後之用此方者須知在西北
北以開結為主在東南以潤燥為主慎勿膠柱而調琴可
也

臟腑之秘不可一藥治療有虛秘有實秘胃實而秘者
能飲食小便赤黃以府仁丸七宣丸之類主之仲景府仁丸方見傷

寒陽明病每服二十丸未效加
至五十九日三服以利為度

七宣丸

柴胡五 枳實五 甘草四
訶子皮五 木香五 大黃五
右為細末煉蜜如桐子大每服二十九丸米飲送下漸
加四五十丸以利為度

治大便秘不通用烏柏木皮方一寸劈破以水煎取小半
盞服之立通不用多服其功神聖兼能取米或以此湯調
下五苓散二錢空心更妙

胃虛而秘者不能飲食小便清利厚朴湯主之

陳皮一 甘草一 厚朴二 白朮三
半夏一 枳實一
右廬米每用三五錢水盞半姜三片棗一枚煎至一盞

不能食
便清為
氣秘

診氣

去香空心温服實秘者物也虛秘者氣也
世 糞榔散治腸胃受温人便秘瀉用糞榔麩煨為末每服
二錢蜜湯點服不拘時

診陰陽

海 槐杏仁俱治大便秘當以血氣分之年者虛人大便秘燥
秘者脈浮在氣杏仁陳皮主之脈沉在血桃仁陳皮主之
所以俱用陳皮者以其干陽明病與手太陰為表裏也又
云盛則難便行陽氣也敗則便難行陰血也
仲 問曰脈有陽結陰結者何以別之曰其脈浮而數能食
不大便者此為陽名曰陽結也期十七日當劇其脈沉而
遲不能食身體重大便反硬名曰陰結也期十四日當劇
垣 有陽結有陰結陽結者散之陰結者熱之
熱氣留於小腸中痛膈熱焦渴則堅乾不得出故痛而
閉不通矣全文見諸痛下

閉結

膀胱移熱於小腸膈腸不便全文見診病傳變
世 大黃牽牛散治相火之氣遊走臟腑大便秘結

大黃 牽牛頭末

右為細末每服三錢有厥冷合用酒調無厥冷而手足
煩熱者蜜湯調下食後以微利為度此謂不時而熱者
温熱也凡用大黃半兩至二兩而大便不通利者加麩少許調于藥中則大便必大定也
右熱秘皆陽結之屬仲景大小承氣及麻仁丸之類是
也方見傷寒陽明病

世 治後分兩塞用萱草根下拾同生姜搗碎取自然汁服
之立愈

閉結

世 半硫丸治年高冷秘虛秘

硫黃研細生用 半夏研

右等分和勻生薑自然汁打麩糊為丸桐子大每服五

十九空心温酒姜湯任下

麻黄白朮湯治大便不通五日下遍小便黄赤渾身腫
面上及腹尤甚色黄麻木身重如山沉困無力四肢痿軟
不能舉動喘促唾清水吐穢痰白沫如膠時躁熱發欲去
衣須臾而通振寒頂額有時如冰額寒在甚頭旋眼黑目
中潤火冷淚鼻不聞香臭小腹急痛當臍有動氣按之堅
硬而痛

- 麻黄不去根五分 桂枝三分 杏仁四 吳茱萸四
- 白芷五分 厚朴三分 炒麴五分 升麻二分
- 柴胡一分 白朮一分 蒼朮三分 甘草一分
- 澤瀉一分 白茯苓四分 橘紅二分 青皮一分
- 黃連一分 黃柏一分 黃芪一分 人參一分
- 猪苓一分 熟甘草一分

右以咀分作二服每服水二大盞半先煎麻黄沸去沫
再入諸藥同煎至一盞去渣稍熱食遠服 此症宿有
風濕熱伏於榮血之中其水火乘於陽道而上盛元氣
短少上喘為陰火傷其氣四肢痿在腎水之間乃所勝
中之病今正遇冬寒得時乘其肝木又實其母肺金克木
凌火是大勝必有大復其症善怒欠多嚏鼻中如有物
不聞香臭目視恍惚多悲健忘少腹急痛遍身黃腹大
脹面自腫尤甚食不下痰唾涕有血且背湯大便不通
只二服皆愈

運氣 運氣大便閉有三

- 一曰熱經云熱至則淋閉又云少陰之後腸腸不便是也
- 二曰寒經云太陽所至為禁止是也
- 三曰濕經云太陰司天濕淫所勝病大便難是也

外取法

仲蜜煎導法

方見傷寒胃實丹溪云路公夏中病泄有人

又不樂大黃葉遂一竹葉用蜜煎下結糞五

海霽煎用鹽與蜜乘熱捻如蜜煎法上頭銳用十許納

穀道中少許化開即通用法用蜜煎不通者純

海蜜煎與鹽相合如用草烏頭末相合亦可蓋鹽能軟堅

潤燥草烏能化寒消結可隨症陰陽所宜用之

急提盆散治雜病非陰候者用草烏頭不拘多少為極細

末每用葱一枝肥者削去鬚圓頭上有汁溫離之納穀道

中

仲猪膽汁方方見傷寒胃實

孟大便不通氣奔欲死者以烏梅十箇置湯中須更按去

核梓為丸如棗大納下部少時即通

又方治大小便不通

江干肉

杏仁

皂角

右為末作餅置脐上火灸自通

世通關散治卒閉不通用鹽入脐中灸即通去之

本宜積丸手心握藥便通

巴豆

乾姜

萆子

良姜

硫黃

甘遂

白楨榔各等分

右為細末研飯為丸如龍眼大早朝先用椒湯洗手麻

油塗手掌平握藥一粒移時便瀉欲止以冷水洗手

針灸

針灸大便閉有二法

其一取胃經云腸中不便取三里盛瀉之虛補之是也

其二取腎經云邪在腎病大便難取之湧泉崑崙視有血

者盡之

玉大便秘塞

昭海五分補二呼

支溝三寸瀉

支溝六吸立通

支溝三寸瀉

撮又法 照海瀉之 太白瀉之灸

集又法 照海半寸灸二 章門七壯 太白半寸灸五

摘又法 氣海八分令病人覺便三五次為度出 三里

世又法 合谷

東大便閉背七椎兩傍相去各一寸灸三 承筋灸三

腸遠挾玉泉相去一寸隨年此針 又法 石門寸 大都五分

摘治大便不通并傷寒水結三間 沿皮下向至谷谷穴三補三瀉 腹中通

出 承山七分

單大便難中渚及太白主之 又大鍾主之

丹予觀古方通大便皆用降氣品劑蓋肺氣不降則大便

禁忌

虛寒

難傳送用杏仁枳殼沉香訶子等是也又老人虛人風人津液少而秘者宜以藥而滑之用胡麻仁仁阿膠等是也如妄以峻利藥逐之則津液走氣血耗雖暫通而即秘矣必更生他病昔王少府患此疾有人以缺粟利之者累矣後為肺痿咯膿血卒至不通而死

產後大便不通

本婦人產後有三種疾鬱冒則多汗汗多則大便秘故難於用藥惟麻子蘇子粥最為穩當用熟蘇子大麻子二味各半合洗淨研極細用水舂研取汁一盞分二次煮粥啜下此粥不唯產後可服大抵老人諸虛風秘皆宜服之嘗有一人母年八十四忽爾腹痛頭疼惡心不食召醫數十議皆用補脾進食治風清利頭目等藥數日雖愈全不入食其家憂惶予辨說前藥皆誤矣此症正是老人風秘

臟腑壅滯聚於胃中則腹脹惡心不思飲食又上至於顛則頭痛神不清也若臟腑流暢諸疾悉去矣予令作此粥兩啜而氣泄先下結糞如胡椒者十餘枚後漸得通利不用藥而自愈矣

丹產後秘結不通膨滿者氣急難坐取用麥蘖末酒下合神效出兵部

大小便不通

丹一婦人脾疼後患大小便不通此是痰隔中焦氣聚上焦三陳加末通初服後吐查再服

山大小便不通燒皂角灰為末粥清調下

本車狗散治大小便經久不通欲死者用推車客七個土狗七個在土各土狗二物新瓦上焙乾為末以虎目樹皮向東南著濃煎湯服之經驗如神

痰

熱

寒

虎目即虎杖其性大能利小便又解暑毒推車客用頭

土狗用身女人病土狗用頭推車客用身效

海廻生神膏治陰症大小便不通及諸雜病陰候大小便不通者宜用此治法數日不通危急者用之非急不用

牡礪

陳粉

乾姜炮各

右為細末男病用女人唾調手內擦熱緊掩二卵上得汗出愈蓋卵與乳乃男女之根蒂坎離之分屬也

脉盛皮熱肚脹前后不通醫問此謂五實全文見治虛夾法

丹掩臍治大小便不通用連根葱一二莖帶土生姜下

塊淡豆豉二十粒鹽二匙同研爛作餅烘熱掩臍中以

帛紫定良久氣透自通不通再換一餅

桑大小便不通大都分

診

雜方

針灸

東大小便難 環罔在小腸俞下二寸 水道此二十 榮

衛在背脊四面各一寸八分腰腹下三寸按脊相去

甲三焦約大小便不通水道主之

產後大小便不通

雲療產大小便不利下血

車前子

黃芩

蒲黃

牡礪

生地

芍藥

右為細末空心米飲服方寸七忌麩蒜

針灸

心治婦人產後忽示腹脹如蠱大小便不通氣海三里關

元三陰交陰谷主之



